

In anniuersario die

LEONIS X.

PONT. MAX.

ALMAE VRBIS

Gymnasij restitutoris:

LAVDATIO

IACOBI ALBANI GIBBESII,

BRIT. MED. D.

Rhetoricorum publici interpretis:

BIBLIOTECA NAZ.
ROMA
77010 EMANUELE

DICTA

IN SACELLO EIVSDEM GYMNASII,

IX. Kalend. Mart. cl. Ioc. LIX.

Inter honorarias optimi Parentis exequias.

Bibl. Sci

Sci.

COMES IVSTI-



TIAE CANDOR.

coll. Rom.

Sci.

ROMAE;

Ex Typographiâ Iacobi Dragondelli, M. DCLIX.

SUPERIORVM PERMISSV.

Imprimatur, Si videbitur Reuer: Patr. Mag. Sac. Pal: Apost.

M. A. Oddus Vicesg.

Fr. Ramondus Capisuccus Sac. Palat. Apostolici Magist.
Ord. Præd.



EMINENTISSIMO PRINCIPI,

BERNARDINO

CARD. SPADAE,

EPISCOPO PRAENESTINO &c.

DOMINO SVO CLEMENTISSIMO,

omnium honestarum Artium exemplo,
ac praesidio singulari.



JAC. ALB. GIBBESIVS, MED. DOCT.

S. P. D.



VIBIVM ingenuæ quendam stirpis (ut de Publicio taceam, itidem simillimo, nè Homerici Glauci merear notam, qui ab æreis aurea minimè discernebat) Magno Pompeio fuisse persimile; regiquè Antiocho, Hieracis patri, vnum ex proceribus, regij & ipsum sanguinis, nomine Artemona, vultu, incessu, toto habitu deniquè corporis geminum loquuntur historiae, sic, ut permutata conditione, & hi in illis, & illi rursùm salutari in his facillimè possent. Res omninò ardua est ad distinguendum par species, sed tamen gratus error: hocquè iucundior spectanti-

bus audientibusuè , si naturæ quoquè eximie nitentis ad virtutem , fortunæquè adeò meritis præclaris conatibus interuenientis æqualitas accesserit . Quòd si pareat adhuc longius, curratquè per familias inter se comparatas, tum is demùm oritur Platonis amor , atquè hominum , qui ubiquè sunt, dignissima admiratio .

Tale siquidem additum tali facere ipsum magis tale, tanquam effatum è tripode , sumunt philosophi pro concessio . Ac mediò sanè in genere summi illi duces Coriolanus & Themistocles, licèt loco & tempore disiunctissimi , perhibentur (vt cum Plinio loquar) paralleli . Rationis exemplum verò vniuersæ haud scio an aliud ex omni ætatum memoria suppetat tam propinquum , vt Tu , *Patrone mi*, BERNARDINE SPADA, *Cardinalis amplissime* , cum LEONE MEDICEO, istius Decimo nominis , Pontifice Maximo , quà oris & corporis dignitate , quà insitæ indolis æmulatione morumquè laude perfectorum , quà vitæ curriculo propè totius , & magnarum rerum illustri specimine constas .

Quæ causa profectò mihi fuit , vt Leoni nupèr parentandi gratia laudationem pro more nostræ Academiæ quotannis instituto scribens, quasi laudes concepissem tuas, de te semper cogitarem , tequè veluti propositum intuerer atquè exprimerem ; eamquè tibi qualemcunque ab exilitate ingenij mei protectam orationem inde vsquè dedicarem . Cùm enim oculos in personæ illam tuæ formam , atquè augustam speciem conuerto , proceritatem , aptitudinem , elegantiam, maiestatem ; multoque magis animum ubi penitus tuum introspexi , raras dotes contemplans diuinæ cuiusdam virtutis in-

5
dices, iudicium, sapientiam, doctrinam, doctrina pa-
trocinium, clementiam, vnoquē verbo, quo ego Leo-
nem complecti totum soleo, magnanimitatem; tum om-
nino temperare mihi nequeo, quin Plautinum illud se-
rio inclamem non sine stupore maximo,

*Ego hominem homini similiorem nunquam vidi
alterum.*

*Neque aqua aqua, neque lacte est lacti, crede
mihi, usquam similis.*

Quam hic tui est, tuque huius.

Te agitur offero tibi, EMINENTISSIME PRIN-
CEPS, vt sibi quemque proximum, ita ferē acceptissi-
mum atque charissimum: Hoc speculum, cui cuiusmodi
tandem est, certē repercussum aliquem eius otij, quo per
te fruor, tanquam donum immortale literarium, appen-
do ad columnam atri tui, vnam signum Phidiae, simul
aspectum & probatum! Tu id tamen, pro singulari tua
erga liberalia studia voluntate, libens volensque accipies,
animi mei, & virtutis testimonium tuæ. Æternum for-
tasse non erit, pono nihilominus vt futurum. VALE.

Ex Musæo meo in ædibus tuis. Romæ, a. d. VI. Kal.
Martias. ∞. Ioc. LIX.



-A 20

ARISTOT. lib. 4. Ethic. c. 3.

Quoniam maximis honoribus **MAGNANIMVS** dignus est, idem Optimus fuis necesse est:

XENOPH. Orat. de Agefilao.

Oratio in laudem hominis olem virtute praditi, & vitâ sun-
cti, non est lugubris, sed potius encomium. Nam primùm
de ipso commemorantur ea, quæ de viuo prædicabantur. De-
indè quid à lamentatione abest longius, quàm
gloriosa vita, & mo-
res præclari? Quid encomijs item
conuenientius, quàm victo-
ria pulcherrima, maxi-
mè momentis fa-
cinora?

ORA.



ORATIO.



REGVM humandorum, aut alio modo clarorum virorum, is ritus vigeat apud Scythas, vt impositum plaustro cadaver circumferretur per omnes vrbes; cuius particulam erat vnique licitum decerpere, siue in arcâ reuerenter asseruandam vnguentis delibutam, siue protinus, quod multò purabatur religiosius, inum in ventrem deglutiendam. Volo equidem ad exemplum huius gentis quamuis barbaræ (quid tum inde? rudes enim homines & inculti, sicuti libri inclegantes & fatui, documenta sæpè multa continent nostris vsibus pernecessaria, atque imitatione dignissima): nō corpus inclyti Principis, quem laudamus, offerre vobis, **AVDITORES**, dilaniandū, quod foret impium; cui terram extincto leuem potius, quæ est vestra humanitas, longamq; qui tem precamini: sed spiritum, sed animum eius ingentem, sed illam diuinæ partem auræ, ferculo quodam imaginario, eloquentiæ quadrigis insidentem, perquæ studia populorum vehentem traducere, vnde sibi quisque virtutis alicuius præcipuè adamatæ arripiat monumentum, minimè colendum ex-

trinfecus illud quidem & in speciem, verum animis pebitus vestris, mentibusque commendandum. Quod mihi sane facere cogitant, huiusque coloribus, ut dicitur, repræsentare instituenti, subit oportune, atque obuersatur ante oculos certa Monetæ impendit facies, quam Severi Cæsaris temporibus Trebellius repertam fuisse, Herôisquæ nomine in ambitu percussæ nuncupatam. Erat autem nummi figura intra orbem mirabilis. Extabat in primis caput elephantis, adscripta vox interpretis, magnanimitas. Tum delphini pectus, index, humanitas. Deinde manus castoris, gratificatio, sententia. Postremò pedes vrsi, subiecta notio, modestia. Ut ex alienis hisce partibus monstrosum profectò animal conflaretur.

Non alia formâ rectius neque Herôa, neque virtutes eiusdem exprimere ingeniosus artifex potuisset: cum iam inde ab aureo seculo, quo istiusmodi hominum cœleste genus viuere desijt, occurrere herôis, sit portenti instar omnium opinione, cygnoquæ nigro simillimum. Sed ille tamen ex iis vult, quibus comminiscendi, quidlibet & audendi semper fuit æqualitencia, nec negatum, si furor incidit,

Delphinum sylvis appingere, fluctibus aprum

fictâ hæc excogitataque dissimilium rerum compactione, viri doctes excellentis egregiè proposuit, quarum ornatu, qui cæteris est præstiturus, vitam excolere & commendare debet, ut incundissimam sui memoriam nominis posteritati propaget infinitâ. Non tam Daricus Hystaspis, aut Philippæus Amyntæ loquitur filios, quàm Heros iste nummus Laurentij Medicei, Hetruscorum optimatis, LEONIS. Pontificem Romanorum. Itâ singula illa primæ laudis insignia complexus est digna imperio, atque ornamenta virtutis. Quanquam mihi nimium restricta videntur ea quidem, angustioraque multò, quàm quæ Leonis pectus implerent. Semones designent symbola quatuor scilicet, quos ob exiguitatem meritorum non omnino censuit cœlo dignos antiquitas; at verò Indigetes, ollos, inquam, maiorum gentium (nam in rebus sacris præcæloquendi formulæ insistò libens), quos benefacta in Superum cœtum haud numero comprehensibilia vocarint, nulla satis Ægyptus, emble-

matum inuentrix, pro eo ac merentur, exprefferit. Hos inter Semideorum apices singulariter eminet noster LEO, toroquè tantum vertice suprà est, quantum mortales omnes anteibat in terris dignitate. Quid enim? virtutum quaternis duntaxat gradibus cœlum ascendisse dicemus eum, cui tot quotidie in altissimum seu Capitolij, seu Vaticani solum procedenti subijciebantur maiestatis? A pagerè cum vulgari communiquè laude, cum de Leone agitur: omnia rara, omnia eximia, omnia ampla & exaggerata debentur ipsi.

Vbi mens, vbi honor, vbi pietas, vbi religio, vbi fides, vbi pax, vbi salus, vbi concordia, iustitia, fortitudo, libertas, liberalitas, felicitas? vbi continentia rebus in secundis, vbi tolerantia in aduersis; in aggrediendo consilium, iudicium in agendo, prodigium in perficiendo? vbi amor patriæ, ciuium charitas subiectorum, bonis præmium constitutum, improbis supplicium, accessus facilis, comis audientia, sermo clemens, summæ demissio potestatis? artium comprehensio & scientiarum incredibilis, Musices in primis atque Poëtices, quæ affectionum interiorum harmoniam facile diuinam ostenderent: tum verò mira vis eloquentiæ, ac reconditæ non solum eruditionis possessio, sed etiam sitis? Quid commemorem eius in colendis amplificandisque hominibus, qui hæc profiterentur, liberale patrocinium, ac splendidissimam clientelam? Nunquam sit finis, Auditores, si decorum lumina, quæ circumsteterunt tantum Principem atque illustrârunt, velim singula persequi nominatim. Pyramides mediùs-fidiùs, colossi, metæ nobis, quotquot extitère, opus sunt. Horus Apollo characteres aut figuras rebus pares præclarè gestis nè ipse quidem adumbrandis in vnâ Memphi reperièt. Gentes huc ac nationes concurrant oportet vniuersæ: & quicquid in parietibus vermiculatum, in pauimentis tessellatum, in lignis segmentatum, in vasis incrustatum, cælatum in clypeis, contextum in vexillis, exsculptum in annulis, videre licuit apud quamque vllò tempore mirabile & elegans, ad elogij mysterium conferant sempiterni. Hic Persarum aquilæ aureæ, noctuæ Atheniensium, Thebanorum Sphinges effabuntur egregiè. Augusti papilio vnâ cum flu-

uiatili cancro, quid sibi velit, intelligetur. Eder vocem; contra, domini institutum; rana Scriphia Mæcenatis. Columnæ demum Herculeæ (vt hoæ terminos. exornationi constituam.) à Quinto Carolo vsurpatæ; non ampliùs claudi Oceanum, sed patere adhuc, vltraquè iri posse, testes erunt.

Cæterùm nè venditatio ista præconiorum videatur ex oratio myrothecio potius, quàm ex gestarum veritate rerum esse profecta, aggrediar ex his, quæ perstriuxi, nonnulla deducere cumulatiùs, rebusquè ipsis allatis in medium orationi fidem adstruere. At quoniàm virtutum illustrem coronam, quæ Leonem non tam ambiri dicebamus, quàm redimiri, minimè licet per angustias temporis numerando: commônstrare, quòd & putidum esset, vt in re notâ, insistere in singulis, vobisquè recognoscere minutiùs afferret molestiam: vt breuitati pariter atquè patientiæ consulam: vestræ, ad quatuor capita numismatis: Heroi denotando præsignati, reliquas virtutes tanquàm membra quædam siuè partes, more Dialecticorum; qui vni generi subiiciunt plures species, reuocabo. Quinimò agam adhuc etiam strictiùs; illa ipsa prima, scilicèt, humanitatem; gratificationem, modestiam; magis principali adscribam origini; ac veluti riuulos à qualitate Leonis accersam propriâ, magnanimitate. Quod & ipse meo quidem iudicio innuere voluit non obscure, dùm subito Pontifex creatus L E O N I S nomen, cùm Ioannes priùs vocaretur, assumpsit: vtpotè qui cùm propter insitam excelso regioquè anitio clementiæ indolem; tùm assiduam rerum appetentiam maximarum; tùm cogitationem gloriæ haud vulgarem acta per grandia comparandæ; non expresso quidem titulo, veruntamen crudita allusione, M A G N A N I M I cognomen affectaret. Hoc à generosissimo animalium placuit mutuari nimirum, quod duo Pontifices, eius proximi decessores, in hominum clarissimis præstantissimisque fecerant antè, quibus Alexandri atquè Iulij augustissimæ appellationes arrisissent.

Subest enim cuiusque rationi nominis latens quædam ac diuina vis in veramque partem; vt quos pulchrum aut turpe insigniuit, eos ferè nescio quo pacto confimiles reddat sibi, Nùm

quà

quâ huiusmodi vocibus, quæ sunt rerum notæ ac magistræ, puerorum aures vsquè personant; quæ autem hausimus à teneris annis aliis hærent atquè infiguntur? Vt enim exempla filicam in eo genere propemodùm infinita, quibus ætates & libri omnes sunt referti; pauca mecum hîc aliquot licet degustetis. Quid Pyrrho ardentius, Aquilâ perspicacius, iuris & equi Iustiniano studiosius, Ambrosio dulcius, Laurentio inuictius? Agnete, Catharinâ, Sophroniâ, (stat & feminarum instructa acies) quid castius, purius, temperantius? contraquè, foedius quid Turpilio, procacius Boccatio, vno Bibulo Furio vel plagiarium magis vel temulentius, spurcius deniquè Verre, illo Siciliæ infami Prætorè, vt etiam pecudem omni luti labe eam ipsam superaret; quid Verre, inquam, putius existimari aut sordidius vnquam potuit? Hinc enimuero præclarè Plato, sicuti cætera omnia, in dialogo, opinor, de Sapientiâ, vult ac iubet, speciosum infantibus nomen poni. Atquè Athenienses nihilo sequiùs, quorum semper fuit prudens syncerumquè iudiciû, nomina iuuenû fortissimorû Harmodij & Aristogitonis, qui libertatis recuperandæ gratiâ sub tyrannis Hippiam interficere adorsi erant, nè vnquam seruis indere liceret, edicto publico decreuerunt: quoniâ nefas esse ducebant serui contagio nomina pollui patriæ deuota libertati. Fallitur igitur longè (pace magistri dixerim). Demosthenes opinione, cum ait, ex nominis significatione statui, de moribus quidquam certi minimè oportere. Siquidem anima vix cum temperamento consentit corporis frequentius. Itaque Leo, tamen si propensioni vocem suæ sortitus æqualem sacro in fonte respondentemquè non fuisset, tamen simulac potestas primùm cum optione eligendi data est, nihil priùs sibi faciendum putauit, quàm vt regni augurio felicissimi commutaretur. Induit, Leonem cum toto ingenio, vnâ excepta ferocitate, quam nihilominus loco, sicuti scelus, aut aliquod grauius maleficium erat vindicandum, aduocabat ocyùs, & quàm acerrimè distringebat.

Verùm facio-nè ego imprudenter, qui Leonis decora Pontificis Maximi, gloriam, honores totius orbis secundum Deum altissimos desultorius orator solùm dico, Ioannis verò nè vestigium

gium quidem, nullum præstans facinus, aut actionem eximiam, nulla promerita, à primo ortu ad tantam amplitudinem interiecta; quibus tanquam gradibus ascendit ad summum imperium, nec dum attigi? Poteram profectò, ac sanè debueram, illius maiorum præferre imagines, ad memoriam domestici splendoris & declarandam nobilitatem; Cosmi potissimum, patriæ patris salutati; proavi, atque Laurentij genitoris, viri cum in suâ Rep. principis; tum togato castrensi què consilio admirandi: poteram affinitates cum potentissimis regibus loqui contractas: poteram Claricis Vrsinæ, antiquissimæ stirpis foeminæ, eiusdem matris, visum narrare nocturnum; veluti quomodo prægnans Leonem, ingentis magnitudinis & miræ lenitatis belluam; in templo Florentiæ omnium maximo somniâr se deponere absque gemitu: quò constet videlicet hoc in partu cœlum ipsum suas egisse partes, vt qualis esset aliquandò, vir futurus tali prodigio tantò antè præmonstraret. Tum de infante in lucem edito, qui dies incidit in ante diem III. Id. Decembr. anno reparate salutis supra mille quadringentos quinto & septuagesimo, à prætextâ & bullâ aureâ vsquè eò, quoad virilem togam sumeret, Deus immortalis! quam latus patet laudum campus, in quo excurrere liberè, sequè iactare magnificè potuisset oratio! Quot res & quantas de summâ in puero spe, summâ ingenij indole, summaquè virtute prædicassem! quid de bonis mōribus, deque optimis disciplinis, quibus patris sui, doctissimi & grauissimi ciuis, curâ id ætatis ornatus fuerat & instructus, non dixissem! musicis numeris præcipuè, & vocibus, & modis, at multò maximè Latinâ Græcaquè literaturâ, sub præceptoribus Angelo Politiano & Bernardo Michelotio edoctus, eruditionis tunc famâ clarissimis. His initijs, ac fundamentis moles illicò honorum tam immensâ quotidie magis congestorum excitata surrexit. Nam quid, obsecro, putatis accidisse? nouum, Auditores, non modò inusitatum, verum prorsus admirabile, & in omni memoriâ inauditum. Vt perampli duo Principes, iudicio & imperii gloriâ excellentes, regnorum intervallo disiunctissimi, certatim tamen ad puerulum ultra annos honestandum, alter altero munificentius, itâ pronis studiis conueni-

uenirent. Ludouicus quidem, Rex Galliae huius nominis Vndecimus, eum vix decennem insigni Sacrorum Antistitis praefectura, optimoque censu donauit. Innocentius verò Octauus, Pontif. Max. tribus post annis longè ampliori religionis loco ac munere hunc donauit solum, in Collegium eundem Purpuratorum suorum cooptans, sed Legationis insuper Hetruriae totius praerogatiua, deincepsque Patrimonii D. Petri, Perusiae, atque Bononiae administratione cumulauit.

Primum vitae actum, quod humanae tyrocinium aetatis rectè quis vocauerit, euoluimus; iam ad illa, quae perfecit aduultior suapte sponte, proprioque arbitrio, relictus sibi, (nam Laurentius pater hactenus vixerat; fidus comes, & perpetuo affixus custos) ad illa, inquam, homini propè dicam negata, aeternis fastis & annalium monumentis transmittenda, vno verbo Pontificatu maturis, quam per legem inueterata consuetudinis liceret, adipiscendo facta dignissima, procedamus. Etenim triplicem Tiaram, o miraculum! triginta & octo. annos natus iustis comitijs, & plerisque suffragiis conspirantibus, acclamatus Pontifex suscepit. Eo interim spacio satis explicari nequit, quot indicia fortis & excellentis animi vel vtriusque fortunae telis eodem semper vultu perferendis, vel aggerandis & dissiminandis beneficiis, ediderit. Ac Petro, germano fratre quidem, quà vi Caroli VIII. Francorum regis, in Italiam hostiliter ingressi, quà ciuili dissensione populorum, à Reip. gubernaculis summo, & Florentià pulso, atque cum omni Medicea familià relegato, vulnere locum alicui grauiori adeò non concessit, vt nè leuissimae quidem stricturae vestigium villo tempore appareret. Ictum certè prudenti quadam declinatione, &, vt aiunt, corpore effugit. Is quippè, vt seruiret tempori, abscedere item tantisper, & per exteras gentes peregrinari constituit, quod Romae cum dignitate manere non poterat, cum Alexander Pontifex Florentinis tum foedere iunctus esset. Rediit ipse haud ita multò post, Alexandro mortuo, licet Medicei patriâ, & auitâ dominatione exacti totos decem & octo annos exulassent. Iulium II. reuersus habuit sibi, ac domui suae commodiorem: cuius ope & gratiâ Legatus iterum creatus, quam pacem

pacem cum Ludouico XII. componere non valebat, ad rem priuatam contulit. Nec exitu id sanè infelici. Expugnato namquè Pontificijs copijs Prato, (vt intelligatur militari etiam gloriâ præstitisse) cum Florentiam victor tenderet, priusquam ab aduersarijs præsidia parari opportunâ potuissent, à beneuolis & propinquis introductus, totam subitò familiam reuocauit. Ibi Soderino perpetuam Dictaturam abdicâte, Remp. ad arbitrium constituit, fratre Iuliano natu minore, quòd Petrus iam pridem in Campaniâ ad Liris ostium fluctibus obrutus interijisset, principe felicto. Nonnè ista vobis opera videntur admiranda, incredibilia, ac tantum non diuina? Sexcenta licet eiusmodi proferre alia, quæ consultò prætermitto, velis equisquè properans ad ætatem auream eius felicissimi dominatus.

Hic, Auditores, hîc eloquenti esse licet, non modò diserto, vel infantissimo bambalioni: hîc enim uerò metuendum non erit, nè non suppetat, imò superfluat argumentum; quantumquè dicendo prouehitur oratio versus epilogum, quasi portum subitura, alterum semper tantum in tam vasto rerum præclararum ac memorabilium Oceano enauigandum, plus plusquè porrò emetiendum non videatur superesse. Hâc in luce tandem, quæ admodum Sol, ille mundi iucundissimus oculus, ad regionem sublatu meridiana, clariùs lucet, recreatquè vehementiùs; pariratione Leo, generis humani iubar vnicum atquè delictum, Sedem Petri periundè atquè celsissimam gloriæ sphæram affecturus, heroicæ virtutis & liberalitatis radios suæ latè explicuit; longèquè saculatus est.

Sed quoniam; quàm laudare frigide, tacere est satius; ego, cui certi quidam orandi termini fuere à Studij nostri moderatoribus circumscripti, nimium sanè breues pro tantâ copîa encomiorum, quos tamen vereor valdè vt tenuerim, iam transgressus, ea facinora, quæ Leo patrauit Summus Pontifex, differam in aliud tempus à capite creationis arcessenda. Tùm per virtutès eius omnes, quas recensui carptim modò, in suis exaltationibus, vt Astrologi loquuntur, positas, adeoque sese liberrimè exercentes, vagabor eadem licentiâ diffusus. Dicam de pacis publicæ studio primùm ardentissimo, cum Europam omnem bel-

bellicis turbinibus agitatum, remque sacram Religionis dissidio fatiscentem ac penè dilapsam, excepisset, Dicam de singulari erga Deum & Coelites pietate, quâ inductus, id agebat, ut Christianos Principes inter se conciliatos aduersus Othomannum impelleret, communem hostem. Dicam de Synodo Lateranensi per Iulium coeptâ contra Pisanum conciliabulum, ab eo continuatâ, fausteque perfectâ. Dicam de Romanæ ditionis pomœrio dilatato. Narra-
bo Pontificiæ ut perculerit inimicos authoritatis, infregerit machinatores necis suæ, tyrannos usquequaque vel exegerit, vel seuerè punierit, iustos dominos demùm imposuerit. Referam, vnaque celebrabo, duobus capitalissimis veræ hostibus religionis, tum Selymo Turcarum Imperatori, qui victis interfectisque Sultanis Syriæ & Ægypti, ea regna amplissima occuparat, maximo cum Christianorum omnium, quorum ceruicibus immincebat, terrore; tum Sectæ non minùs impuræ ac nefandæ conditori dicam, an consarcinatori? Luthero, perditionis homini, tenebris nescio è quibus popinarum ac lustrorum emerso, si Superis placet, nouo Lycurgo, diuinum cultum, sacram, & cæremonias vesano mentis impetu proterenti, fœdeque laceranti, quibus armis ierit obuiam: cœlestibus nempe, quæ & promouisse Deus ab euentu visus est. Supplicationes enim per Urbem indixit solennes Leo, pompam ipse nudis pedibus à basilicâ Vaticanâ ad S. Mariæ, supra Mineruam insigni conceptâ pietate profecurus. Honorem non tacebo nouum planeque eximium cum causâ illius conferendi, Britannia meæ singulariter impertitum, cum Henrico Regi cognomentum Assertoris Ecclesiæ, deindè etiam Fidei Defensoris nobilissimum, ad reliquos titulos adiecisset. Quod, utinam ille, proh dolor pudorque! quàm mereri, tam nouisset conseruare. Certè quidem nec poenam sibi, nec vulnus suis, nec miseriam patriæ tantam inflixisset. Tum exequar ordine præclaras victorias cum propriâ, tum causâ amicorū initas & obtentas; quas inter, Parmam Placentiamque recepit. Deindè cœlestis illius potestatis effectus aliquot præcipuos enumerabo, diplomata, sanctiones, indulgentias, concessionem, expiationes, iisque luculentissimam Francisci Paulensis superponam coronæ vice dedicationem.

Postremo loco, non postremâ tamen æstimatione, mentis extollam dotes acerrimæ, præstantisque notas corporis insigniores; quandoquidem pulchro Virtus è corpore veniens existat, ut ait ille, gratior multo, mirabilesque amores accendat sui.

Dicam ista (repromitto) hisque affinia complura alia, cum tempus idoneum nactus ero: ut ex amissione tanti Principis, totque subtrâctis ornâmentis, vos facilius, vos præcipue (Patres amplissimi, & Doctores venerandi) qui adstatis, de graui iacturâ vestrâ, deque miserâ orbitate huiusce Academiæ; non sine luctu, ut facitis, iudicare possitis. Habet hîc vnusquisque vestrum, quod propriè doleat, priuatimque conqueratur; facultatis summum columen atque præsidium extinctum singulorum. Quanquàm quoddam mihi excidit indignum profecto ex ore verbum? extingui nunquàm poterit, qui viuît in memoriâ seculorum sempiternâ: quem suæ naturæ rara priuilegia, quem maxima beneficia dispersa in homines, quem publica opera per pagos & vrbes, tanquàm trophæa gloriæ constituta, proponunt usque posteris recentem. Viuit, viuêctque in animis vestris, crescet fama, quamdiu pretium aut honos habebitur Sapientiæ, cui templum Romæ sedemque pulcherrimam consecrauit, cum flore denique iuuentutis, quæ ad Scholas istas in dies singulos ex omni parte confluit, tot quasi ad tabernas bonarum Artium, eius immortalî munere excitâtas, nomen perpetuò adolestet. Facio finem, Audite, ditores, ac rite, ac iuste, ac iudiciali verbo dimitto omnes in præsentia, Illicet: vos valere. Herôa, saluere, & eternum, abiturum, iubet.

D. I. X. O. I.



DE LAUDIBVS
BERNARDINI
CARDINALIS SPADAE

ODE

IACOBI ALBANI GIBBESII.

M. DC. XLV.



RCV, & sagittis, & pharetra suum
Armare Vatem, more Cupidinis,
Phœbus renidet. Vos, Camæna,
Figite, quod iaculemur, album.

Rident colorem: purpureus mihi
Stat meta pannus. Non ego risero
Contra, tuus si, SPADA, candor
Oebalium superavit ostrum?

Ergo decoro pectora Vulneri
Adversa prebe, solus & integram
Absume messem spiculorum,
Totque tuos numeras triumphos.

Cui mitto primam laudis arundinem,
Marti, an Mineræ? Cedere nescis
Vterque certatim laborat
Ambiguam retinere dextram.

Scriberis Hæcæ fortis, & ærdus

Dòcto Loyaco: Gallia suggerit,

Tellusquæ Saturni; stupenda

Indomiti monumenta cordis.

Hæc ille chartis ætæ pedestribus

Transfundet auro rectius. Auræ

Scis Vt Columba secla nupèr

Egrogius celebravit hospes.

Nos mentis arcem, templaque Palladis,

Non Martis enses, pectine Teio

Dicemus: imbelli Tyranno

Sic Lycia, placitumquæ Musis.

Quæ terra, vel quis Tethyos ambitus,

O Vaticana sidus adorea,

Quæquæ aula Solis, nomen ingens

(Sole vagam comitante famam)

SPADAE remisit discere? seu fluis

Torrente Pithus liber, Apollinis

Seu frana mordet, obsequentem

Attonita rapis aure mundum.

His tu rigabas Lilia fontibus

Gallorum, Vt alto Vertice surgerent,

Legatus: exemploquæ prona

Arma tuo posuere gentes.

Sic aqua docta iura Bononie,

Sanctaque Roma, Cecropij dabas

Ritu Solonis, cum ter-amplius

Imperij, comitemquæ cura

Urbanus altum tolleret; omnium,

Quicumque Visu gesta, vel auribus